

Nos Antepasadonan...

Rufo Wever

Rufo Inocencio Wever a nace na Aruba dia 8 di December 1917, como e prome di e cuatro jiunan di Leonila Maria Annette Lampe Babijn y Civiles Marcial Wever Everts. Rufo a cuminsa muestra su talento musical na edad hoben. Dos dia prome cu su di seis cumpleaños, su tata a regal'é un sinfonia di boca pa e fiesta di Sinterklaas. Esey tabata su prome instrumento musical. Despues di apenas algun dia el a sorpresá su mayornan tocando e hit di e tempo ey riba su sinfonia: "Amor de cinco años". Su tata, cu tambe tabata gran amante di musica, a compra un piano y a laga Rufo siña tok'é.

Pero dos aña despues e tata a fayece y Rufo a laga su precioso piano un banda pa otro dos aña.

Encurashá pa su mama, Rufo a cuminsa toca atrobe na fiestanana cu nan tabata bai.

Na edad di 13 aña Rufo a haci su debut den exterior, na Curaçao, pa despues sigui pa Boneiro.

Cu 15 aña Rufo a forma su prome banda: Melody Band, cu a bira masha popular. Na 1935, pues cu 18 aña, el a reemplaza un violinista den un conhunto Cubano cu tabata presenta na Aruba. Pero el a compaña e conhunto riba saxofoon y no cu violon. Mesora nan a ofrece un contrato pa un gira pa Latino America. Ja cu Rufo tabata hopi jong ainda, e no a acepta e oferta. Den e mes aña aki el a presenta den e show di e cantante di tango argentino Carlos Cardel, un artista mundialmente famoso cu a bishita Aruba.

Rufo a forma parti tambe di e prome banda Arubiano cu a toca na e prome emisora di Antiyas, Radio Curom (Z-86), Los Trovadores Musicales.

Na 1935 el a compone su prome wals "Arubanita". Un wals cu su Mahestad Reina Juliana a baila durante su bishita.

Na 1938 Rufo a cuminsa traha cylinder pa caha di orgel. Na 1941, durante un black-out di guerra, el a haya un accidente di auto y a perde su brasa robes. Atrobe el a bandona e mundo artistico. Stimulá pa su famia, el a bolbe y cu un brasa artificial cu e mes a traha, el a cuminsa compone y traha areglonan pa cah'i orgel.

Na 1950 hunto cu Padu Lampe el a compone nos Himno Nacional: "Aruba Dushi Tera". Rufo a wordo condecorá como Ridder den Orden di Oranje Nassau pa su Mahestad na 1975. El a graba algun disco y tabata tin su propio programanan radial. El a duna presentacionnan na: Curaçao, Boneiro, Venezuela, Costa Rica y Puerto Rico.

Rufo, un maestro riba piano, saxofoon, clarinet, guitarra y cuatro, a demostra cu amor y voluntad ta vence tur



Tips pa con nos respeta nos bandera!

- Un bandera mester wordo hisá tur dia na edificionan oficial. Mainta tempran na salida di solo y bahá un rato prome cu solo baha. Tambe riba dianan di luto mester his'é "Halfstok" of na mitar, pero e tin di bai te na top prome y despues ta bah'é te na mitar.
- Ora hisa bandera mester tene cuenta cu e no por lastra na suelo. Tambe na momento di bah'é, mester haci esaki cu cuidao pa e no toca tera. Esaki ta un muestra sin respet pa e bandera.
- No por pega niun obheto o emblema riba e bandera.
- Ora e bandera bira bieu o blekia, no ta bon pa sigui us'é. Ta recomendabel pa destruy'é o kim'é na un manera respetabel y keto.
- Si e bandera ta pegá na muraya o podium, bo mester por mira e strea ariba y na man robéz. Si e ta colgá na un master, e strea mester ta p'ariba o pa'nord.

Chabalito



Number 6 - Año IV
Februari, 2002 - Afl. 2,=

